

滬上私乘

卅壹塘倡和詩

園鑪倡和詩

上海文匯書局印行

月二年二廿日  
贈和守袁  
第...

洹上私乘

村壺塘倡和詩

園鑪倡和詩

21779

頂風透浪

遺倫

篆詞

己未中秋

天台之清

大木弱上天下缺  
另有為解聖身似  
柱能亦似等故度  
深法濯差鳥龜擊  
按河漢淡白也深西  
笠烟葉上釣堪批批  
殘情似奉業一曲日  
風葉伴心


辛未十月二十七

日楊公年壯錄


圖



景之園壽養氏袁上洄



池·流·匯



亭·心·洗

景之園壽養氏袁上洹



亭釣垂



橋波臥



洵上私乘

項城袁克文恭撰

乘目

卷一上

先公紀上

卷一下

先公紀下

卷二

先嫡母傳

慈母傳

生先母傳

卷三

諸庶母傳

卷四

大兄傳

諸弟傳

諸妹傳

卷五

自述

卷六

養壽園志

卷七

遺事

附表一

●先公紀上 卷一上

先公字慰庭晚號容庵幼好學爲文多奇肆結文社於鄉自主之書恣放不工卷摺體累試不第遂投筆從戎入吳武壯公幕師事武壯武壯絕器先公謂後必成大業旋率軍駐守朝鮮朝鮮王重先公事必咨先公

遂預其國政有不利我國者輒阻之。

時朝鮮東學黨通於日假日兵攻王宮欲逐王別立遂其親日遠華之謀且思危害先公先公覺之率數十人入宮衛王戰於宮門日兵發彈擊先公先公指掉間彈至左立者疾推先公彈中後立者死焉先公仍前立不却卒以數十人破日兵千餘敵之死傷市巷枕藉搜戮叛黨國亂乃定清庭遂命先公爲朝鮮駐使日人銜恨深矣旋有甲午之戰先是先公已知禍啟電請李鴻章遣兵濟助以備緩急鴻章不報及事急復再三請鴻章猶疑慮不決坐視朝鮮離棄諸軍覆敗咸鴻章一人誤之痛哉甲午稱兵之初先公僅有百餘人自不能敵鴻章復不遣援時日兵已據韓京遍設關隘命守者不得縱先公行先公困於危城東臂待亡而已忽奉朝旨勅先公返國先公適臥疾延日醫古城梅溪診視梅溪久寓朝鮮與先公善僞言先公病篤報日帥大島圭介先公奉詔後以印授唐紹儀託言洪氏訪謁英國領事從者二三乘輿行途中巡守者詢詰輒以託言對日領事朱爾典預爲備者艦既行日帥始覺乃囚梅溪遣艦逐擊艦不可及先公旋登國土矣先公既歸聞鴻章以朝鮮亂歸罪先公先公入都訴辨過天津鴻章探知泥先公行恐以真象入告將有不利焉先公不別北上立謁諸軍機大臣悉陳鴻章誤國狀且言我國軍備之疎不足與列國抗請以新法訓

練。自。効。時。庭。臣。多。迂。執。先。公。議。獨。榮。祿。贊。可。遂。以。上。聞。孝。欽。后。垂。簾。亦。以。先。公。所。請。爲。是。疊。召。入。對。先。公。侃。侃。而。言。后。爲。歎。折。斯。先。公。見。任。於。后。之。始。立。授。先。公。直。隸。按。察。司。使。駐。小。站。督。練。新。軍。是。爲。武。衛。右。軍。我。國。軍。伍。訓。以。新。法。之。創。也。先。公。知。德。國。軍。事。獨。精。乃。延。其。退。伍。軍。官。爲。導。師。兼。設。學。校。教。兵。以。文。字。且。參。六。韜。玉。鈐。握。奇。陰。符。諸。說。自。輯。兵。書。數。十。卷。倡。告。天。下。初。尙。有。批。議。者。及。觀。軍。儀。嚴。肅。武。事。精。雄。咸。推。武。衛。軍。爲。國。之。長。城。矣。戊。戌。政。變。之。初。康。有。爲。以。說。惑。景。帝。帝。冲。幼。無。識。不。辨。其。姦。遂。重。任。之。設。懋。勤。殿。奪。軍。機。權。有。爲。漸。施。離。間。欲。假。先。公。之。兵。謀。危。孝。欽。后。先。授。先。公。以。侍。郎。繼。使。譚。嗣。同。至。小。站。劫。先。公。假。帝。詔。命。先。公。囚。孝。欽。后。殺。榮。祿。先。公。早。識。兇。謀。乃。佯。諾。之。隱。走。告。榮。祿。倉。皇。請。策。先。公。屬。祿。密。詣。隨。和。園。請。命。於。孝。欽。后。祿。亟。入。覲。奏。孝。欽。后。從。容。返。蹕。立。禁。帝。於。瀨。台。仍。垂。簾。聽。政。斬。有。爲。黨。譚。嗣。同。等。五。人。及。有。爲。弟。廣。仁。於。市。有。爲。先。已。避。居。沽。口。夷。船。中。以。觀。成。敗。及。聞。變。乃。遯。走。日。本。故。逃。於。刑。戮。有。爲。包。藏。禍。心。陰。圖。亂。逆。挾。帝。變。法。自。養。位。望。一。時。朱。詔。悉。出。有。爲。手。帝。初。不。預。知。且。延。納。私。近。廣。樹。羽。翼。雖。云。以。漢。易。胡。復。我。炎。夏。若。有。爲。之。不。軌。於。正。反。招。分。崩。擾。滅。之。禍。必。矣。

先。公。既。定。黨。變。孝。欽。后。益。重。信。遇。召。榮。祿。入。軍。機。先。公。以。候。補。侍。郎。謹。理。直。隸。總。督。旋。授。山。東。巡。撫。庚。子。端。



王○載○漪○圖○攘○大○權○以○拳○匪○邪○術○入○惑○孝○欽○后○假○詔○誅○異○己○者○一○時○無○敢○爲○言○先○公○居○東○詔○至○謂○拳○黨○爲○義○民○令○地○方○官○保○護○先○公○歎○曰○此○禍○水○也○亂○無○日○矣○遂○檄○各○府○州○縣○謂○遵○旨○護○義○民○斯○義○民○必○守○法○安○分○之○流○若○以○邪○術○愚○人○聚○衆○設○壇○者○是○皆○匪○徒○妖○黨○倡○亂○謀○危○遇○之○殺○無○赦○苟○官○不○懲○滅○則○官○與○同○罪○令○出○四○境○震○悚○復○遣○軍○探○剿○誅○殺○拳○匪○無○算○時○省○中○兩○司○道○府○諸○官○咸○目○先○公○爲○漢○奸○聞○有○拳○黨○欲○起○攻○撫○署○悉○殺○吾○家○且○盡○滅○叛○拳○者○諸○官○惶○駭○同○謁○先○公○力○請○罷○誅○拳○黨○之○令○免○一○城○之○禍○先○公○正○色○叱○斥○嚴○詞○訓○告○諸○官○退○曰○袁○公○愚○而○自○用○無○可○爲○也○載○漪○聞○先○公○厲○行○剿○滅○大○怒○欲○加○罪○討○嗣○畏○先○公○率○有○勁○旅○乃○止○先○公○諫○疏○數○上○咸○爲○載○漪○抑○阻○先○公○知○外○覈○一○啓○國○必○無○幸○諫○疏○復○不○能○上○達○乃○電○聯○兩○江○總○督○劉○坤○一○兩○湖○總○督○張○之○洞○等○合○力○拒○匪○使○不○得○南○之○洞○初○不○敢○發○及○得○先○公○電○言○坤○一○復○同○倡○斯○議○遂○定○聯○拒○合○剿○之○策○東○南○諸○省○悉○免○兵○禍○及○外○兵○深○入○兩○宮○西○狩○昔○之○持○異○議○者○轉○服○先○公○之○先○見○矣○外○兵○破○都○城○據○宮○禁○而○不○敢○言○瓜○分○者○懼○東○南○諸○省○之○大○有○人○在○焉○李○鴻○章○以○兩○廣○總○督○調○任○直○隸○議○和○未○竟○卒○時○先○公○丁○先○祖○母○之○喪○奪○情○繼○鴻○章○任○和○議○成○孝○欽○后○猶○不○敢○遽○歸○恐○外○兵○有○他○變○先○公○力○保○無○患○始○返○蹕○行○次○孝○欽○后○見○先○公○痛○哭○失○聲○曰○予○母○子○之○命○咸○汝○一○人○生○之○也○



洹上私乘

項城袁克文恭撰

先公紀下 卷一下

孝欽后率景帝返蹕後中原乃定國經厥難內氣彫傷邦夏雖紆而飄權多失先公遂意圖創革以振衰疲直隸省會原在清苑僻處一隅多所間隔天津則四遠通達舟車利便既屬京師樞戶且爲歐美人士僑居之地邦交庶政咸有裨益於是移節駐天津初天津景帝有閱兵之議特起行宮議旋罷行宮乃廢閉先公疏說改建牙焉自辛丑迄丁未八載之間與學校建新軍創警政開道路廣市廛勸工業百政俱

舉爲世範則復疏罷科舉請立憲法迂執之徒羣焉詬謗時先公取率六鎮軍儀整肅士卒嚴馴尤召怨者之忌有鐵良者詭與先公契合而陰實謀陷會兵部改陸軍部乃請統一軍政奪先公兵柄復與榮慶載澤輩合謀假中央集權之說迫先公自解鐵路郵傳等八大臣職先公一笑置之而略無怨沮之色時文雖幼深自憤鬱當兵符未解亟陳於先公曰竊聞太后用鐵良言欲奪大人六鎮之軍臂之軍樹也帥巢於樹者也施斧斤於下樹木旣斬而巢窠有不覆

者○哉○今○符○猶○未○解○諸○將○多○憤○然○不○能○平○且○其○慮○一○旦○  
柄○移○將○有○弓○藏○之○危○何○如○乘○士○氣○未○衰○親○率○諸○鎮○入○  
清○君○側○斬○鐵○長○諸○奸○頭○今○海○內○羣○謀○復○漢○苟○太○后○違○  
逆○即○驅○胡○虜○而○北○之○以○順○民○命○進○可○成○王○退○將○危○禍○  
千○秋○大○業○乞○大○人○毅○然○斷○行○之○也○先○公○聞○文○語○怒○目○  
叱○責○曰○小○子○無○知○敢○妄○語○族○滅○無○日○矣○乃○禁○文○於○內○  
室○者○紫○月○恐○言○不○慎○將○搆○禍○也○先○公○既○罷○諸○兼○職○政○  
事○之○暇○輒○作○書○自○娛○未○幾○召○遷○外○務○部○尚○書○兼○軍○機○  
大○臣○是○歲○戊○申○八○月○二○十○日○爲○先○公○五○十○壽○孝○欽○后○  
賜○銀○二○千○兩○及○金○盞○諸○珍○器○且○頒○自○畫○三○星○圖○巨○幀○  
寵○賚○之○厚○例○雖○親○王○亦○無○若○是○之○隆○重○者○一○時○朝○野○  
多○爲○側○目○御○史○江○春○霖○見○壽○帖○中○有○慶○王○奕○劄○一○聯○

歎○書○名○焉○又○有○載○振○聯○自○署○如○弟○某○某○乃○據○以○入○奏○  
謂○天○潢○之○尊○例○無○書○名○且○有○權○臣○煊○赫○將○有○不○利○於○  
朝○庭○之○語○疏○留○中○不○發○十○月○景○帝○疾○日○亟○孝○欽○后○亦○  
患○腹○疾○及○景○帝○大○漸○孝○欽○后○詔○先○公○及○奕○劄○世○續○鹿○  
傳○霖○張○之○洞○詣○寢○宮○密○議○孝○欽○后○問○帝○將○不○諱○何○人○  
當○立○之○洞○請○以○恭○王○溥○偉○繼○位○孝○欽○后○怫○然○不○悅○先○  
公○與○奕○劄○則○請○以○醇○王○載○灃○長○子○溥○儀○入○承○大○統○孝○  
欽○后○初○尙○遲○慮○先○公○與○奕○劄○力○爭○始○定○及○退○出○先○公○  
與○奕○劄○汗○被○重○裘○矣○奕○劄○顧○先○公○曰○公○真○大○膽○也○之○  
洞○則○面○亦○有○怒○色○景○帝○既○崩○孝○欽○后○聞○之○悲○痛○疾○乃○  
轉○劇○臨○終○執○溥○儀○手○指○載○灃○顧○先○公○及○奕○劄○世○續○等○  
而○泣○曰○汝○輩○皆○先○皇○老○臣○今○皇○帝○冲○齡○雖○有○載○灃○攝○

政亦惟汝輩匡輔是賴復泣願載澧曰汝應拜諸老臣汝年幼惟諸老臣之謀是用載澧揮泣向先公及奕劻等拜先公與奕劻等同伏地泣不可仰比退孝欽后亦旋崩矣溥儀嗣立載澧攝政之洞日奔走於載澧之門而媚事之載澧用之洞諛漸疏先公及奕劻世績等奕劻泣謂先公曰先后先帝之骨未寒而政象已紛擾我輩俟百日服滿後可挂冠去矣先公亦覺之洞之相傾陷業思乞休乃以願命治喪之臣不可避去而百日未終罷官之詔下矣先公遂攜家人卜居衛輝旋以居室逼隘移家安陽北郭時文官法部員外郎因乞終養歸侍日從先公種花移木築石鉢芽以孝欽后曾賜御書養壽二字遂以養壽名

園鷓詠其間輒忘歲月辛亥八月武漢變起先公奉詔督師駐節兵站斗室中備曆辛艱旋召授內閣總理即被命入覲馮國璋總統諸軍克復漢陽先公密令龍戰蓋知大勢趨於民治清速已垂終矣清帝諭復漢陽功封先公一等侯先公力辭不拜一日先公入朝有宥徒懷彈伏東安門外道左樓中俟先公歸邸車過其下乃擲彈向車車遠不可及彈墜地適觸水管彈裂擊殺車前後衛官二人傷一人且傷烈車之馬而車獨無恙馬被彈力馳而歸入邸馬亦斃先公神色自若堆言耳震微聾耳清帝聞之震驚召止先公入朝遇事輒傳達焉清帝懼民氣之烈兼以馮國璋等奏乞遜國乃願旨退位授先公以全權與革

恒上私乘

命軍議和事南北一統先公被舉爲共和第一任大  
總統其次年漁人謀亂先公命馮國璋等率師討平  
之四海又安有承平之象乃理舊政布新猷廢者舉  
之絕者續之開基之始政爾有爲不幸悖亂之徒妄  
冀大位羣姦肆逐衆小比朋如朱啟鈴梁士詒楊度  
夏壽田張鎮芳董壽張擾攘共濟究謀先公日理萬  
幾未遑察及患之伏於眉睫也大難旣作已莫或遏  
制矣先公一憤而歿嗚呼  
恭贊曰先公天生睿智雄偉握政者三十年武  
備肅而文化昌乃以一忽之失誤於姦宄大業未竟  
抱恨以歿悲夫痛哉

上期影印先公垂釣圖乃無錫楊令蕪女士

附誌  
手繪詩亦女士題也。圖左闕記茲補及之。寒雲



涇上私乘

項城袁克文恭撰

先嫡母傳 卷二

先嫡母氏于河南沈邱縣人也。長於先公者一歲。于歸後先公即遠征。遂留家侍養。時先祖母牛太夫人。先本生祖母劉太夫人俱健在也。先公使韓迎養劉太夫人。先嫡母以侍牛太夫人。未從。歲甲午。牛太夫人薨。先公因日韓之戰。奉詔歸國練兵。小站先嫡母始從焉。先嫡母性秉仁慈。行持儉約。事親以孝。聞處下則謙。無厲色。奉先公尤盡禮讓。先公殂。痛哭無已。時旋以致疾。越三年。薨於天津。享壽六十有二。長兄克定。先嫡母所出也。

家慈母傳

家慈母氏沈江蘇崇明縣人也。先世務農。家慈母幼失怙。恃依姊以居。遊上海爲匪所掠。攜至天津。欲粥入妓家。家慈母微聞之。誓以死拒。匪迫之。乃飲鴆。矢志匪大驚。亟延醫施治。且以甘言慰解。家慈母痛哭呼誓。

時先○公○使○韓○道○出○天○津○聞○家○慈○母○之○貞○烈○乃○出○金○贖○之○家○慈○母○感○先○公○之○義○遂○甘○爲○妾○媵○以○從○先○公○即○相○偕○渡○海○至○韓○京○家○慈○母○以○飲○毒○傷○腑○嘔○血○幾○不○起○後○雖○差○瘳○而○病○則○未○全○除○也○且○兩○割○臂○肉○和○藥○愈○先○祖○母○劉○太○夫○人○及○先○公○之○沉○疴○其○誠○孝○雖○能○格○天○而○血○又○損○虧○身○益○羸○瘠○矣○清○河○南○巡○撫○曾○疏○請○旌○表○無○出○先○公○命○克○文○嗣○焉○

先生母傳

先生母氏金三韓人也家爲望族世有貴顯先公使韓韓王選貴族女四人以贈先公先生母與焉先生母幼承庭訓長習書禮敬事先公善持家政事先祖母劉太夫人尤盡孝道會割臂和藥以起危疾故劉太夫人益愛重之未嘗以妾賤視先生母也從先公三十餘年無違言先嫡母及家慈母之視先生母猶手足也憫家慈母多病無子乃以克文爲家慈母子仁懷義行尤足稱焉先公殂悲慟獨甚縻欲以身殉咸以克文等護侍於側未得間以遂志因觸發舊疾嘔血斗餘未逾年竟從先公於地下矣時年四十又九薨於天津寓邸生子二克文及三弟克良女三妹八妹十妹也



洹上私乘

項城袁克文恭撰

諸庶母傳

卷三

二庶母氏自三韓望族也與先生母先四庶母同來歸焉性秉婉淑行允厚誠事上以敬御下以和教子則慈威兼施律己則廉儉一貫斯古之賢母也五弟克權七弟克齊咸承嘉訓學乃超異尤重行踐故居貴而無越焉庶母與先嫡母最相恭愛先嫡母理家事靡巨細必以咨蓋以家慈母多病庶母獨居長也生子四曰克權曰克齊曰克堅曰克度女二曰伯禎曰纓禎

先四庶母氏季三韓望族也幼承闈訓長秉閨儀顯慈修持幽嫻靜婉略習韓文曾攻書史於古賢孝女輒心儀之既歸先公尤敦婦道從先公轉徙頻仍而侍承無間事家慈母獨恭家慈母亦遇之獨厚處諸庶母間相與悅好垂二十年無違言先庶母之德讓可以風矣嗚呼天奪賢母乃不永年當先公任直隸總督時先庶母隨侍節畧因誕七弟琪禎產後致疾誤投夷藥竟不起藥暴傷腑慘呼一永夕而絕痛哉先庶母



既卒先公悲傷逾常爲輟政事者累日庶母生子一曰克端女二曰次禎曰琪禎

五庶母氏楊直隸天津縣人也顯敏得先公歡生子四曰克桓曰克軫曰克久曰克安女二曰季禎曰玲禎  
六庶母氏葉字麗儕江蘇丹徒縣人也婉孌明靚柔質豐儀十七來歸先公極愛寵之使克文就呂碧城者  
討探學校制設家塾於天津節署延周砥諸女士爲教授庶母與五庶母七庶母咸從學焉庶母獨穎慧未  
過歲已試爲文能作簪花格生子二曰克捷曰克有女三曰玖禎曰瓊禎曰瓊禎

先七庶母氏邵字惕若山東濰縣人也幼失怙遇災從母避走他方母困於貧粥先庶母爲宦家婢宦家中  
落轉粥於予家侍家慈母深得歡心家慈母無出撫之如己女命克文教以書字庶母雖非絕慧而攻苦異  
人能作短札善擘窠書先公賞之列爲姬侍清光緒戊申先公能官歸先庶母適臥疾倉皇相從以驚致劇  
未幾卒於汲縣邸第得年二十無出先公哀悼甚且憫其賢以側室禮葬之於安陽南郭

八庶母氏郭浙江歸安縣人也母爲南灣某富室妾生女二以故下堂携幼女行即庶母也其母旣出復墮  
風塵粥歌於天津庶母從焉比長亦爲張幟字曰寶仙庶母性純孝而心非其母行尤不樂淘青樓中居常  
落落寡與人合其母以疫死庶母哭之慟昏絕者屢欲以身殉賴左右以葬親賁勉乃輟死志一時士夫羣

嘉其行。克文遊津沽。識伎。蟾香伎與庶母友善。從開。始末及歸。涇上爲家。慈母言之時。家慈母因先公罷官。家居。慮有抑鬱。亟遣使。輦重金至天津。贖庶母歸。初庶母丁母喪。室無宿儲。典衣粥飾。以營殮殮。典粥不足。乃貸諸伎家。負幾二千金。且有弱弟。賴爲衣食。庶母極友愛。倡言有能致萬金聘者。嫁之。有數豪買欲得。庶母爲室庶母不樂爲買人妻。咸却拒之。及聞先公來聘。欣然投袂而起。曰。此妾終身所也。安用多金爲哉。屬使償伎家二千金。授弟千金。其母遺物悉以畀弟。毅然從使來涇上。先公一見悅之。且重其義。立列爲側室。遣其弟入學校讀書。庶母感先公厚遇。益自恭順。素持謹約。不類出青樓中。和惠靜婉。家人皆稱其實。生子二。曰克相。曰克和。女一。曰珣。禎。

九庶母氏劉直。隸天津縣人也。幼齡來歸。性頗率直。及列側室。行極謹飭。先公殂。庶母欲以身殉。以遺腹有姙。羣勸止之。立毀容守禮。獨依家慈母居。涇上訓子嚴重。不以幼獨而寬假也。生子一。曰克藩。女一。曰璵。禎。

恒上私乘



恒上私乘

項城袁克文恭撰

大兄傳 卷四

大兄名克定字雲臺號螻蝻先嫡母所出也幼時羸孱嘔血幾殆然好學不倦未嘗以病偶輟始攻帖括下第後頓悟時文不足爲世用也類集其書一炬燬之乃博求經世之術及經史羣籍餘事讀兵法學英德法日諸國方言文字延宏博之士閉戶講論十年而學識孟晉先公督直時爲大兄納粟爲候選道初大兄焚書時迂執之徒爭詬病於先公前先公輒笑領之及詔罷科舉始服大兄之有遠識焉盛京將軍趙爾巽銳樹新政改制軍旅聞大兄勤奮招入幕參軍事未幾清廷遣載澤端方等五大臣使歐美諸國考察政治以爲大兄從往先嫡母原不欲大兄遠涉會刺客吳樹投彈狙擊大兄幾罹禍先嫡母益懼力阻其行遂罷征役越歲清廷改工部爲農工商部以載振爲尙書載振請簡大兄爲右參議後遷右丞署左丞辛亥革命軍起據武漢先公再起拜詔督師大兄棄官隨侍軍次馮國璋等迫清廷遜政大兄與有力焉惟以建言策政先

公多不納心輒鬱鬱。王子二月克文奉慈母自酒。上北遷。大兄侍先嫡母。獨留車發之日。大兄臨送。車既行。克文猶望見大兄。緩緩策騎歸村。不期已入村矣。而馬忽前蹶。大兄下墜。傷首昏絕。舉室惶駭。絕者三日始蘇。手足言語歷數載。差懸臂然亦危矣。娶吳縣吳大澂女生女。一曰家棧。姜馬氏生子。一曰家融。女。一曰家金。

諸弟傳

三弟克良字靜軒。號石房。克文同母弟也。喜馳馬弄劍。而不近文史。孤其慧。性惜哉。娶長沙張文達公女。無出。妾孫氏生子。二曰家貞。曰家治。女。一曰家乾。

四弟克端字誠齋。號充四。先四庶母所出也。魯而勤學。讀書強記。性純孝。有至行。娶何炳瑩女生子。三曰家禮。曰家賓。曰家方。女。二曰家麒。曰家麟。

五弟克權字規。二庶母所出也。敏慧過人。工詩。其師吳閩生深許之。娶托活忠敏公女。亦能詩。生子。一曰家許。女。二曰家訓。曰家謙。

六弟克桓字巽。五庶母所出也。娶陳啟泰女生子。一曰家辰。女。一曰家奇。

七弟克齊字兩峯二庶母所出也性誠行謹娶杭縣孫寶琦女生子一曰家燕  
八弟克軫字鳳鏢號進厂五庶母所出也娶建德周觀女生女一

九弟克久字子大聘黃鼓黎元洪女十一弟克安皆五庶母所出也

十弟克堅聘天津徐世昌女十二弟克度皆二庶母所出也

十三弟克相十五弟克和皆八庶母所出也

十四弟克捷十七弟克有皆六庶母所出也

十六弟克濟九庶母所生也

### 諸妹傳

大妹伯禎二庶母所生也志性堅厚孝悌純誠諸弟妹中大妹之德行稱最焉先公極愛重之從未施以厲  
色大妹循規蹈禮略無矜張幼與克文同席讀書最相友好工詩手錄唐人詩數卷輒喜吟誦適豐潤張元  
亮亮字廋樓人駿第十二子擅八法能文章行高品潔古之君子也夫婦至相得寶敬若梁孟焉

二妹仲禎先四庶母所出也慧而靜婉麗而端肅幼失恃先生母撫而教之使與三妹同居處克文授以書  
法能作類草適錫席氏

三妹叔禎與文目母性修潔善辭令喜遊遨山木間挺特無兒女態人謾其放吾愛其爽雖性斥拘執而行

中禮本管遠先公訓焉適泗州楊毓珣珣字琪山士驄次子也知兵事曾從軍衡湘間以功授少將

四妹次禎先四庶母所出也早瘠

五妹季禎十五妹玲禎皆五庶母所出也

六妹錄禎二庶母所出也

七妹琪禎先四庶母所出也

八妹環禎與文同母孀

九妹玖禎十一妹璣禎十二妹璣禎皆六庶母所出也

十妹琮禎文同母妹也

十三妹璣禎九庶母所出也

十四妹珣禎八庶母所出也



恒上私乘

項城袁克文恭撰

口自述 卷五

維歲庚寅克文生於朝鮮漢城降之日先公假寐夢朝鮮王以金連鑲引巨豹來贈先公受之繫豹堂下食以果餌豹忽斷鏈直竄入內室先公驚呼而覺適生文先生母亦夢一巨獸自外奔入向已墮搏驚寤腹邊痛頃聞而文降矣後述巨獸狀亦豹也先公遂錫名曰文命字曰豹焉文年五歲遘甲午之戰侍先祖母暨家慈母先生母自朝鮮返國先公繼歸旋奉詔旅次軍小站文從焉六歲誦書字七歲讀經史十歲習文章十有五學詩賦十有八以蔭生授法部員外郎歲戊申清德宗及孝欽后先後崩遜帝繼立載灃攝政先公以足疾罷官文亦棄官從歸侍居恒上日隨先公營田園起亭榭疏池沼植卉木飲酒賦詩極天倫之樂事辛亥武漢變作先公再起督師命文守恒上處四方危亂之中得苟安焉先公班師文亦奉慰屬北上國難方定而家禍與文不獲已走海上未幾先公覺爲宵人間驢亟遣使召文歸文感於先公之慈明不欲復



以不謹。累先公。爰遂放情山水。不復問家國事。乃北望居庸。登翠微。東遊秦岱。觀日出。南浮海。抱吳越之勝。溯揚子江。而攬金焦。中歷嵩高。窺龍門。仰太昊陵。陟百門。跋復東渡。汶水拜孔林。瞻歷朝衣冠文物。雖天下未臨。其半而名山大川。已足盪胸興感矣。乙卯任清史館纂修。與修清史。楊度等忽倡革政之謀。十一月。尊先公爲皇帝。改元洪憲。忽有疑文謀建儲者。忌欲中傷文。懼稱疾不出。先公彙召不敢辭。遂陳於先公。乞如清冊皇子例。授文爲皇二子。以釋疑者之猜慮。庶文得日侍左右。而無憂顧焉。先公允之。文乃承命撰宮官制。訂禮儀。修冠服。疑者見文。鈐皇二子印。笑曰。無大志也。焉用忌丙辰。先公殂。昔先公居恒時。曾自選窳窳地在太行山中。遂而高曠永安之所也。及先公殂。羣議葬事。文以太行山地。請大兄獨不可欲葬。恒上村左。以其地邇。便祭掃也。文力爭不獲。彼且迫掇。使不可安處。遂遷走天津。先公之葬。竟不得臨此文。終天之恨。而不或道之罪也。十一月。先生母又卒。初文奉慈母南遷。聞先生母病。星夜北馳。及至天津。而先生母已於前一日遐逝矣。彌天之痛。一歲而兩丁之心。摧腸崩而生氣盡矣。乃橐筆南下。弔文於海上。昔先公召文曰。人貴自立。不可恃先人之澤。而無所建樹。建樹之道。始於學問。觀夫貴豪子弟。多不識一個字。而驕奢淫佚。終至破家亡身。求一棺而不可得者。咸有所恃。而自墮也。文書之紳銘之心。不敢忘焉。今文始三十。政有爲之年。而天下嘉攘羣以利。征甯甘亡。恥屈躬以求辱。濁此暫侶於烟霞。苟活於刀筆。豈得已哉。豈得已哉。



恒上私乘

項城袁克文恭撰

口養壽園志 卷六

序

歲在戊申先公引疾罷歸以項城舊宅已悉畀諸親族且家人殊乘未敷所居乃初卜宅汲縣旋遷百泉  
 遂。恒。上。築。成。居。室。厥。定。恒。上。村。負。安。陽。北。郭。臨。恒。水。之。上。村。之。左。闢。地。百。畝。藝。花。樹。木。築。石。引。泉。起。覆。茅。之。  
 亭。建。望。山。之。閣。漳。河。帶。於。北。太。行。障。於。西。先。公。優。遊。其。中。以。清。孝。欽。后。曾。賜。書。養。壽。爰。命。曰。養。壽。園。其。一。楹。  
 一。卉。威。克。文。從。侍。而。觀。厥。成。焉。茲。先。公。遐。逝。園。圃。云。荒。夢。寐。臨。存。益。滋。痛。慨。溯。而。志。之。用。紀。林。泉。之。舊。爾。

目

(堂) 養壽堂 謙益堂 五柳草堂

(樓) 樂靜樓

恒上私乘

恒上私乘

三二

(館) 紅葉館

(廳) 納涼廳

(樹) 澄澗樹

(閣) 葵心閣

(精舍) 嘯竹精舍

(村) 杏花村

(臺) 臨澗臺

(亭) 洗心亭 垂釣亭 蓋影亭 滴翠亭 枕泉亭 接葉亭 待春亭 瑤波亭 瀉練亭

(峯) 天秀峯

(洞) 碧峯洞 椎風洞

(崖) 散珠崖

(池) 漚流池 鑿影池

(橋) 臥波橋



洹上私乘

項城袁克恭撰

口養壽園志

〔堂〕

養壽堂。堂居園之中央。凡三巨楹。周拓廣廊。軒敞爲全園冠。遂以名園者名堂。堂額以孝欽后賜書。養壽二字。勒諸貞木。楹帖乃吳江費樹蔚集。龔孝琪詩句。曰君恩。數向漁樵說。身世無如屠釣寬。書則紹縣沈祖憲代書也。塔前立奇石二。一狀美人。一如伏虎。咸大行山中產也。

謙益堂。堂居園南面。漚流池倚碧峯。嶂左接峻閣。右抱新窠。明窗四照。遠碧一泓。南園之勝。一枕收之。榜爲先公書。綴以跋。曰光緒辛丑季冬。皇太后御書謙益二字。賜臣某。聖意深遠。所以勗臣者。至矣。園居成。謙以名堂。俾出入瞻仰。用自循省。云聯曰。聖明酬答期兒輩。風月遊婆讓老夫。亦先公作也。

五柳草堂。草堂居園西北。前有巨柳五株。遂以名焉。

洹上私乘

〔樓〕

樂靜樓。

樓居園東北隅。低檻四廻。大行在望。聯曰：曲屏橫遠翠，小閣倚晴空。江都閔爾昌集句。克文所書。

也。

〔館〕

紅葉館。

館居養壽堂西。散珠崖。東長席枕地。室有古風牡丹盆。庭芍藥夾徑。春日高臥一夢幽芳。及秋則

丹楓拂檻。霜柿垂簷。益多佳勝。故名紅葉云。

〔廳〕

納涼廳。

琉璃之屏。丹碧之檻。大木沈陰。宜於夏晝。文書納涼二字。榜之楹楣。

〔樹〕

澄瀾樹。

樹北窗。枕鑑影池。倚東垣。下西接墨幃。碧峯洞在焉。中懸巨鏡。適納天秀峯於其中。若幻境。然額

曰：澄瀾聯曰：芳沼拂席垂簷帶空。咸文書也。背有斗室。環以花竹。其側高石瀉泉。潺湲弗絕。文摘。輒帖。又

有清流激湍。映帶左右。句書榜以補壁焉。

〔閣〕

葵心閣。高閣矗空中。置攝泉之機。水火既濟。甘流四溢矣。

〔精舍〕

嘯竹精舍。澄潭樹南。謙益堂北。碧筠四圍。清蔭永覆。歌嘯其中。悠然自適。嘯竹之額亦文書也。

〔村〕

杏花村。村居園北。獨處僻隅。開地十弓。移栽古杏茅屋數椽。宛在郊野。朱旆龍烟。疑呼酒來也。

〔臺〕

臨洄臺。臺建園之極南。薄南垣。焉疊石承之。若嶺。若立。俯矚洄流。遙覽城郭。登其上。可捫星斗。陂陀而下。其北則匯流池也。

〔亭〕

洗心亭。亭居匯流池中央。碧水滌洄。必以舟達。亭甚廣。燕飲其間。若猶虛焉。先公昔號洗心亭。主人故以名之。嘗春秋佳辰。先公輒命姬侍提榼携尊而臨之。清波照影。若海上三山焉。

垂釣亭

亭居洗心亭東石柱。三若鼎足有板橋達南峯。徙倚而釣不減濠上樂焉。

蓋影亭

亭居滙流池北岸。獨木覆茅石几戴蔭。棋枰一局可忘憂也。

滴翠亭

護益堂後萬竹之叢。植亭其間。簷楹一碧。

枕泉亭

亭枕鑑影池上。南望碧峯東窺天秀。叢花壘石朱欄半隱。蒼苔一徑。每曳屐踏蹴而游焉。文曾題。

楹曰石泉流階壁秋竹隱疏花。

接葉亭

亭倚園之東垣。接葉而立。其聯曰雨勻春圃花覆平泉。蓋蔬圃當前。時聞菜花香也。

待春亭

園北平曠有亭。翼然牡丹千株待春而豔。國色天香。輒有左袒右擁之樂焉。

瑤波亭

亭居澄澗榭右。俯鑑影之波焉。

瀉練亭

杏花村南有短瀑。臨之。

〔峯〕

天秀峯

玲瓏奇石壘之成峯。臨鑑影池。倒影一碧。斯養壽堂之左隙也。

〔洞〕

碧峯洞 洞即碧峯巖也綿亘鑑影池南若貴屏焉池上有橋澗乃嚮之洞有四徑北曰碧峯通於池北西曰屏移入於竹林東曰鏡轉達澄澹澗南曰青館臨謙益堂四徑題名咸刊諸石焉

樵風洞 臨涇臺下洞有二徑左曰樵風右曰琴月勒石題名與碧峯四徑同焉

〔崖〕

散珠崖 崖當曲澗北端有泉自上出下懸成瀑若散珠然坐紅葉館西窗下奔珠落綺適在望焉

〔池〕

滙流池 園南廣池也曲岸平波周可十畝種荷植菱丹碧成錦蓮葉如輪蓮花逾掌容與其間枝高可隱花葉密繁扁舟爲阻其盛可思見也尤奇者每歲輒生並蒂花二三枝文於中夜以紙囊茶殼花苞中一縛繫朝起解之晨露猶濕故並蒂花時有窺見不忍折取以朱絲雙縉之而明歲又生矣

鑑影池 池界南北園間橫亘若帶有平橋通兩岸曲檻環池高峯並影疏其流自曲澗達滙流池焉亦種蓮遜滙流池之盛矣

〔橋〕

涇上私乘

二七



臥波橋  
行焉。

恒上私乘

曲。澗。入。滙。流。池。處。一。橋。衝。兩。岸。焉。高。可。尋。丈。展。影。若。虹。變。環。而。升。如。履。新。月。情。猶。似。臥。宛。在。畫。中。

二八



洄上私乘

項城袁克文恭撰

遺事 卷七

先公敦於孝行。先祖母牛太夫人。先本生嫡祖母。劉太夫人。咸早薨逝。先本生生祖母。劉太夫人。曾割股肉起先祖。沈疴。故先公事奉尤謹。先公巡撫山東。迎養於節署。時值拳匪構難。四境風鶴。先公獨闢邪亂。嚴事。陳伐。乃忽傳有匪黨圖加危害於我家。衆先公既戒飭防衛。猶恐以虛聲驚先祖母。乃閤不使內聞。先公定省。輒如常時落落譔笑。以博歡顏焉。

先祖母劉太夫人在日。每晨先公秉燭趨庭。竚於寢外。必俟先祖母既寤。躬啟安。好始出堂治事。及午復入侍先祖母。食食訖。復出夕政事處。畢乃又入。或言家事。或述新語。先祖母輒顧而樂之。先公更調羹和蔬。以進。且躬視衾幃。試量溫寒。必侍先祖母入寢。後始退歸。已室。終歲如一日。未嘗或間焉。

庚子匪亂。初定。先祖母舊疾忽劇。先公躬侍左右。親膏湯藥。衣不解帶。夜不交睫。歷數十日。靡有懈忽。而先

顧母終不起先公慟哭屢絕淚無已時臥守靈側逾常哀毀時先公方建保衛南疆之功清庭倚畀隆予假百日奪情視政先公切於孝思不敢奉詔乞護任者代請終制清孝欽后猶在蒙慶於行在得疏詔曰不許勉先公移孝作忠以捍危局先公屢請不可且知政朝廷多事之秋不忍再爲言矣孝欽后察知先祖母懿行勅封一品夫人建坊題褒賜祭一壇特旨下頒殊異數也未幾直隸總督李鴻章卒詔以先公繼之先公墨經而拜命焉

先公既任軍機大臣家十叔祖自鄉來視先公因久違別乃行跪拜禮拜起微蹶遂致足疾不良於行者數月每晨入宮哭奠輒扶杖而趨至內有小監扶行未久罷官歸矣

先公素無嗜好勤政之暇輒使人譯世界大事而流覽之亭午退朝張之洞每邀先公同遊海王村先公以之洞爲世交長者閒遊雖非所喜然不敢却辭之洞時或強要先公購易一二古物以爲樂先公則深苦之矣先公罷政或謂出於之洞之讒或曰幸賴之洞諫阻而免嚴譴以文所知二者咸非是蓋前者決非之洞所忍爲後者則之洞是時亦與先公同其危懼也

光緒丁戊之際先公既解兵柄政事多暇乃作書自遺今存署容菴悅老二款之聯額咸斯時所書也

戊申先公入贊樞密八月二十日爲先公五十生辰兩宮賜壽殊恩也清例大臣年至六十始得邀賜壽之典若五十而膺斯寵賚者蓋鮮也且孝欽后暨德宗以先公劬濟之功特詔照親王例賜壽復於謝恩時孝欽后而賜親繪三星圖一軸壽字銀錠二千枚宣宗御用翡翠朝珠一挂宣宗御用珍珠帶頭一事御用銀器全副康熙霽紅瓷瓶一對御筆扇四十柄其他珍寶錦緞若干事德宗而賜御書聯額蟒袍扇緞等物凡數十事例賜之品猶不在此中也一時朝野聳動傳爲未有之殊榮焉

恒  
上  
私  
乘



## 洄上私乘

項城袁克文恭撰

### 卷七 遺事(下)

先公既罷政初居汲縣城中居舍狹隘不敷所用且過敝舊尤弗適宜輝縣有小園修竹茂密清漪潄潄而室僅十餘楹先公遊百泉輒宿園中蓋避暑佳地也然非久居計耳是年何仲璣姻丈創紗廠於安陽北郭且就廠之左徧闢地百畝建爲廣廈逾年而成知先公卜居未定爰舉以爲贈先公以丈屬至戚遂受之蓋丈乃家四弟外舅也先公既遷入即以洄上名村焉

先公居洄上之明年先三伯父以病解徐州兵備道職歸居開封而先伯母復於是年逝世先公友愛最篤恐先伯病中不勝悲悼乃遣克文至開封迓先伯來居洄上先伯遂以家事付家四兄理之偕先庶伯母同臨洄上先公樂甚日與先伯坐養壽園閒話家人歡笑於旁酌酒煮茗極天倫之樂事時先伯身左徧猶病體枯先公憂之以重金延法蘭西名醫梅尼博士長留村中爲先伯調治逾年疾大瘳幾健若常人矣一日

泛小舟於漚流池先伯戴笠披發危坐其中先公則執楫立於後使克文以鏡攝之影成印數百紙分致戚友焉。

先伯逝世之先一日中寒病忽劇時梅尼已中疫先歿他醫咸束手先公憂急日夜坐先伯榻前不須與離倦極即就旁室假寐頃間克文亦日夜侍側見先公憂困狀輒請先公歸室稍息而先公輒不從先伯自病劇至歿中閱六日先公未嘗一返己室而安臥焉先伯易簀時氣猶未絕也先公初尙戒先庶伯母勿遽悲驚失措俾傾爲先伯濯沐更衣及訖他人咸退入內室惟先公及克文在側先公引目克文而慘然無語克文忽悲痛不可止乃放聲哭先公遂亦失聲家人咸驚起出視而戶外諸人亦相率入以爲先伯之已絕矣是時先伯忽啓目視先公及克文於是相對哭益痛家人乃先勸止克文而後挽先公入內室而勸止之先公言其故羣爭責克文不應引老人悲不知克文平生之痛切五衷者此爲第一次焉


先公平生盟好中交最厚而最相推服者爲端齋丈姻戚中之最相契者爲吳憲齋丈周玉山丈孫嘉韓丈張治秋丈戚屬中之最加愛拂者爲梨朱卿丈何仲璫丈及家外舅故舊中之最相得者爲謝仲琴丈沈祖憲閔爾昌弟子中之最賞識者爲袁海觀盟兄楊杏城丈楊廉甫丈趙秉鈞阮忠樞

先七庶母亡年二十無子女未與先公同父母喪禮不得稱庶母克文以庶母事先公最能敬順而致亡之由乃以先公罷政放歸病中侍行之津之汲勞勞千里及至汲縣病遂日亟甫閱月餘即永逝矣卜葬汲之西郊時值清遜帝即位頒覃恩詔克文請於先公爲請得賸封夫人封典並乞先公許克文以庶母禮題其墓碣遂於先公殂後五年題於庶母墓曰清封夫人先七庶妣邵太夫人墓

克文生平悲痛之最切於心者一爲先三伯父之歿再爲先公之殂三則先生妣之見背也今旣記先伯臨歿之狀矣復擬恭撰述痛紀以誌先公及先生妣之喪乃心悲腸裂不可畢思謹先書數言用系永哀俟後得竟所述再爲私乘之續也可



世系表



# 圭塘倡和詠叙

汾陽王式通撰

寒雲主人手書圭塘唱和詩既竟。屬贊一辭。式通未睹平泉之勝。初聞流水之音。受而讀之。移情累日。蓋自長信鐘沈。鼎湖弓墮。素奈之簪方痛。金支之患已深。顛覆有徵。機械隱見。吾謀不用。微疾遂行。道上園居。委蛇偃仰。嘗諸神龍既躍。葆素曾淵。威鳳已翔。養真邃穴。謝家東墅。荀氏西豪。廖剛成世。綵之堂。永叔作畫錦之記。誦芬家術。疏照鼎門。文采相高。廣嗣斯盛。眉山昆季。是曰披穎。梁園賓客。亦有鄒枚。萃從風流。竇氏聯珠之集。四時花事。晉公碎錦之坊。每當山水方滋。少長咸集。流連光景。發爲詠歌。吐噏芳華。溢於豪素。或繾綣以懷人。或蒼茫以感舊。蒼垂露晚。墨灑霞初。往往朝出一篇。夕傳四座。題名壇坫。多叉手之詞人。著籍門牆。有掃眉之才子。異音合奏。前于後唱。援翰泉流。分箋雲起。元許可用。得康氏別業。鑿池如圭。日與子弟嘯詠。有圭塘歛乃集。圭塘小稿諸編。其客馬熙追和。別題曰圭塘補

和以古方。今後先輝映。然彼祇歸老之娛。此則興亾所繫。揆厥終始。可得言焉。向使黼辰方新。寶臣是任。竭其翬翟。塞此涓涓。計可出於安劉。功亦侔於徵管。奈何長城自壞。讒人高張。二叔危周。八王柄晉。坐使赤心之佐。戮力之英。長揖歸田。角巾就第。歲未三易。難發一朝。伯紀雖用而已遲。諸葛再生而莫揀。迨至土崩瓦解。海立雲垂。人厭黃屋之尊。國有白宮之戴。玉步旣改。魁柄有歸。綠野之興未闌。朱果之祥頓渺。用知得失禍福。可參倚伏之微。風雨晦明。已兆謳歌之運。雖曰天命。亦由人事。後之覽者。可以觀已。

# 圭塘倡和詩

項城 袁克文輯錄

次王介艇丈遊養壽園均

容菴主人

乍賦歸來句。林棲舊雨存。卅年醒塵夢。半畝闢荒園。鷗倦青雲路。魚浮綠水源。漳洹猶覺淺。何處問江村。

次均

會稽沈祖憲呂生

賃廡臨洹水。名流目笑存。蛾眉非茂苑。驥尾附梁園。藥竈三山客。松舟四漕源。繞鱸隨地有。何必戀江村。

次均

番禺凌福彭潤菴

解柄歸農日。真靈位業存。助名三尺劍。生計數弓園。戀岫知雲意。尋山到水源。東臬春已及。布穀喚前

村。

月下遊養壽園聯句上容菴師

江都女士史濟道子希靜海女士權靜泉效蘇

織織素魄照遊人。史 迤邐行來觸目新。幾處亭臺通曲徑。權 數叢花竹結芳鄰。沿溪露冷蛩聲切。史 入

夜風清鶴唳頻。漫道蓬萊仙境好。權 此中已似隔紅塵。史

次均

容菴主人

曾來此地作勞人。滿目林泉氣象新。牆外太行橫若障。門前洹水喜爲鄰。風煙萬里蒼淮繞。波浪千層激盪頻。寄語長安諸舊侶。素衣早浣帝京塵。

次均寄容菴宮太保

貴陽陳夔龍小石

知公餘事作詩人。花木平泉物候新。兩字范韓曾攝敵。一家坡穎自爲鄰。急流江上收帆易。小隱山中著屐頻。話到先朝恩禮渥。眼枯望斷屬車塵。

次均上容菴府主

吳江費樹蔚仲深

瓊想瑤思託酒人。春光澹沲管絃新。門無冠劍參賓坐。天與溪山作比鄰。危閣琴聲魚聽慣。閒庭花影鶴飛頻。齒來搖扇真多事。地遠風高怯白塵。

次均上容菴宮太保

凌福彭

天涯芳草望歸人。忽漫開緘墨藩新。一畝宮牆成小築。千秋洛社結比鄰。蒼龍闕角催耕早。金爵觚稜入夢頻。三月桑乾河上過。連營萬騎已前塵。

次均上容菴宮太保

永城丁象震春農

幅巾天與作閒人。別業春回氣象新。賓從兩三陪畫舫。俸錢千萬買芳鄰。詩存竹所傳鈔遍。酒醒花間嘯傲頻。玉宇瓊樓天上夢。未忘十丈輭紅塵。

次均上容菴府主

沈祖憲

當代如公有幾人。用富弼詩句助華才藻竝清新。梁園賓客詩無敵。洛社衣冠德有鄰。已分鷗鷺栖詩穩。笑他語燕往來頻。卅年宦跡騰中外。差喜冰壺不染塵。

春日飲養壽園

容菴主人

背郭園成別有天。盤餐尊酒共羣賢。移山繞岸遮苔徑。汲水盈池放釣船。滿院蒔花媚風日。十年樹木拂雲煙。勸君莫負春光好。帶醉樓頭抱月眠。

次均

費樹蔚

徙倚高樓獨看天。雷連觴詠映前賢。晴嵐雜樹常窗檻。細雨飛花入酒船。世事滄桑感雲物。村居水木靜風煙。登臨定觸心靈起。如此江山忍醉眠。

次均

沈祖憲

鎖香拂袖下諸天。直爲鱸魚也自賢。用蘇軾詩句身健不攜扶藥杖。波平聊試採蓮船。新栽蓬島三株樹。笑

指齊州九點煙。誰寫韓公康樂景。書家應數李龍眠。

### 次均

甘泉閔爾昌葆之

門前滙水碧浮天。共說歸田六一賢。垂釣偶臨楊柳渚。看花更泛木蘭船。一犁平野宜春雨。十里蒼嵐帶晚煙。還恐二蘇無此樂。夜吟兄弟對牀眠。

### 憶庚子舊事

容菴主人

八方烽舉古來無。稚子操刀建遠謨。慚對齊驅披枳棘。還臨燕水補桑榆。奔鯨風起驚魂夢。歸馬雲屯感畫圖。海不揚波天地肅。共瞻日月耀康衢。

### 次均

廬江吳保初君遂

汝陰一老世非無。洛社流風翊廟謨。點點疎星橫塞膺。依依邊月照關榆。曾勞至計安宗社。坐味連橫失霸圖。江左夷吾能再出。野看逸足騁天衢。



次均

沈祖憲

斗米神仙事有無。蘭臺尙亦吐忠謨。金閨也詔逢黃石。銀漢何曾種白榆。羯鼓愁翻淋雨曲。龍舟淒絕上河圖。老臣早淡凌煙志。願製歌謠繼壤衢。

春雪

容菴主人

連天雨雪玉蘭開。瓊樹瑤林掩翠苔。數點飛鴻迷處所。一行獵馬疾歸來。袁安蹤跡流風渺。裴度心期忍事灰。二月春寒花信晚。且隨野鶴去尋萊。

次均

吳保初

徑野殘花寂歷開。曾攜屐齒印蒼苔。袁安高臥人間世。陶令一官歸去來。往事沈沈渾若夢。相思寸寸總成灰。春風三月燕山道。笛裏猶聞唱落梅。

次均

閔爾昌

霽畫溪山粉本開。雙雙凍雀啄園苔。聲聲野竹蕭騷灑。寒趁東風料峭來。才語曾聞吟柳絮。初陽早已動霞灰。紅爐綠酒堪斟酌。更倚新詞譜落羅。

雪後園遊用前均呈容菴府主

前人

林花爛漫冒寒開。石上飛泉滌綠苔。隔樹禽聲催雪霽。當樓山翠撲人來。更從洛下聯詩社。莫憶昆明話劫灰。朝圃春叢歌雅調。風流端已壓歐羅。

次均

丁象震

二月春遲花未開。花飛六出點葶苔。謝庭兒女裁詩就。梁苑賓朋載筆來。勝地林亭開遠略。勞臣心迹慕寒灰。從知憂樂關天下。贏得餘情賦早霖。

次均

陳夔龍

秋容老圃報花開。又見東風長綠苔。謝傅中年有哀樂。泉明荒徑盍歸來。一場甦醒春夢夢。十載曾經

劫火灰。我擬孤山寄行腳。騎驢湖上去尋春。

次均

祥符王 廉介艇

韶春取次畫圖開。柳氣通林妒綠苔。荏苒靈辰挑菜過。摩揩醉眼看花來。那知社後麥苗雨。化作人間豆稭灰。惟有午橋莊耐冷。瓊樓玉宇放紅罍。

次均

漢陽田文烈煥庭

春深二月萬花開。飛雪無端掩碧苔。匝地風雲千嶂合。寒江蓑笠一舟來。詩成驢背心真壯。香煖鴨爐燼未灰。解凍囓陽絲底事。方今東閣正調罍。

次均聯句

史濟道  
權效蘇

已報枝頭杏漸開。史又看飛雪點蒼苔。舉帷頓覺東風冷。權入戶還兼細雨來。作意欲添新粉本。史騶  
寒重鬢鬢鎖灰。權詩壇白戰堪乘興。權何必山中更訪罍。史

清明偕叔兄遊養壽園

容菴主人

昆季偕遊養壽園。清明雪盡草初蕃。蒼松繞屋添春色。綠柳垂池破釣痕。畫舫疑通桃葉渡。酒家仍在杏花村。鶯歌燕語無心聽。笑把瓊饒對坐喧。

次均

閔爾昌

欣欣生意滿芳園。榆柳垂陰翠杏蕃。花底流鶯嬌弄舌。橋邊春漲綠添痕。尙傳往事分新火。恰見斜陽淡遠村。美景佳辰須盡醉。東風隔斷市聲喧。

次均

沈祖憲

秀野真同獨樂園。更懸藤榻效陳蕃。偶移松竹添山勢。爲種菰荷刻水痕。坡穎依然聯舊雨。漳洄且喜繞孤村。飭簫吹暖桃花塢。一任蜂衙過午喧。

寄陳筱石制軍二首

容菴主人

武衛同袍憶十年。光陰變幻若雲煙。敏中早已推留守。彥博眞堪代鎮邊。笑我驅車循覆轍。願公決策著先鞭。傳聞鳳閣方虛席。那許西湖理釣船。

北門鎖鑰寄良臣。滄海無波萬國賓。湘鄂山川詠未已。幽燕壁壘喜從新。鳴春一鷄方求侶。點水羣蜂漫趁人。旭日懸空光宇宙。勸君且莫愛鱸莼。

次均寄答

陳夔龍

老去都非少壯年。略園師友散如煙。目窮蒼狗浮雲外。心在金鼈夕照邊。射虎短衣談校獵。騎驢佳句試吟鞭。臨流不信風波惡。漳水茫茫好泊船。

已有獬兒作帝臣。齊眉鴻案敬如賓。錦堂鄴下初成記。碁局長安又換新。三徑菊松應笑我。一窗風雨正懷人。淇泉鱖筍供春酌。借少西湖雉尾綸。

次均上容菴府主爲二客薪禱問答之體

費樹蔚

大藥仙山駐巨年。落花禪榻闕茶煙。自遶古月來襟底。卻抱餘春向酒邊。北斗夜明開撫劍。東華塵濁鬢投鞭。知公康濟心無限。忍便滄浪獨掉船。

清時魁柄付宗臣。願狎煙波作鷺賓。白首憂天年未老。赤心捧日事如新。對牀風雨聯詩課。橫海戈船讓肉人。真誥靈筆真手初不敢下交于肉人出處自關家國運。不同張翰戀鱸鱸。

### 次張馨菴都轉賦懷見示均

容菴主人

人生難得到仙洲。咫尺桃源任我求。白首論交思鮑叔。赤松未遇愧留侯。遠天風雨三春老。大地江河幾派流。日暮浮雲君莫問。願聞強飯似初不。

### 次均上容菴府主

費樹蔚

煙景分明勝十洲。端居養壽更何求。乾坤濛濛落數君子。天地支離一醉侯。省識浮雲無定相。偶看逝水悟橫流。高助頌望歸田早。傲得安陽恣叟不。韓魏公晚年自號安陽恣叟

雨後遊園

容菴主人

昨夜聽春雨。披蓑踏翠苔。人來花已謝。借問爲誰開。

歎竹精舍

容菴主人

烹茶檐下坐。竹影壓精廬。不去窗前草。非關樂讀書。

登樓

容菴主人

樓小能容膝。高檐老樹齊。高軒平北斗。翻覺太行低。

次均

沈祖憲

樓迥凌千尺。平看鴈翼齊。岱宗曾弭節。自覺萬山低。

次均

汲王錫彤小汀

不作登樓感。全將物我齊。檻前列牛斗。誰復問高低。

晚陰看月

容菴主人

棹艇撈明月。逃蟾沈水底。搔頭欲問天。月隱煙雲裏。

次均

沈祖憲

夜深魚讀月。影聚平橋底。忽驚撥刺聲。舟漾水雲裏。

海棠二首

容菴主人

海棠帶雨溼紅妝。乞護重陰晝正長。蛺蝶不知花欲睡。飛來飛去鬧春光。  
垂絲幾樹拂池塘。夾岸紅雲絢夕陽。番信風來驚睡夢。落花飛向水中央。

次均

沈祖憲

海棠夾岸鬪新妝。細馬遊春鬢路長。雛燕也知春富貴。口銜香雪掠波光。  
一樹嫣紅照柳塘。鉛華穠豔冠河陽。分簪曾沐東皇寵。檐子穿花入未央。  
昨攜稚子遊園蒙頒活計  
唐宰相均騎馬宋惟溫踏兩  
公許乘檐子即今二人肩輿



圭塘倡和詩

五二

家大人以足疾致政歸田。課耕訓子之暇。間以吟詠自娛。賓友酬和。積稿盈寸。大人輒以示克文。因次其目錄。都爲一編。命曰圭塘倡和詩云。宣統庚戌項城袁克文記。



# 圍鑪倡和詩言

## 小引

寒雲

小引  
詩跋  
題名

甲子歲闌奉親沽上初驚風鶴久廢詠歌笳鼓既遙室家  
未毀重尋舊壁輒起新思乃掃徑以遊還閉門而臥撥紅  
泥之火聯白戰之吟或慚謝女之才或慶惠連之賦或揮  
毫于既醉或舒嘯于初醺斷句雜成羣篇爭屬綴爲一集  
斯亦千秋此引



詩

大風夜坐懷海上故人並示諸兒

雲水咽荒津。狂飈起萬塵。低徊歌子夜。一醉正懷人。

寒雲

次均

一夜風兼雪。朝來淨塞塵。梅花含笑意。對景思幽人。

初觀

次均

風林動暮津。激浪洗清塵。起舞銀缸畔。初醒憶故人。

仲燕

雪

昨夜飄飄裏。朝寒覺十分。圍爐迎煖意。宿酒尙微醺。

初觀

前題

叔選



入夜寒風起。彤雲接海橫。紛紛飄六出。路靜少人行。

雪和根驕兩兒均

寒雲

一望琉璃界。渾然象未分。紅纈溫靜思。白戰冷餘醺。  
我愧袁安臥。天教玉體橫。詩思驢子背。試手看初行。

初雪思江南用寒雲外子均

梅真

盪槳憶芳津。擎尊滌俗塵。蒼寒迷處所。高臥有幽人。

疊均和梅真

寒雲

載酒思江津。高林擁玉塵。天南勞夢寐。招隱更何人。

次均

伯崇

冬夜靜遙津。瓊英布滿塵。消寒惟有酒。獨坐正愁人。



團圓倡和詩

五六

春

初觀

含煙園中佳景麗無邊  
雨後桃花色更妍  
閒坐小樓觀燕舞  
風吹綠柳似

橋上

梅真

蓮池十里藕花香  
古木寒鴉噪夕陽  
負手閒吟橋上望  
雲霞燦爛浴鴛鴦

卽事

大方

煖烘烘地團團坐  
宜誦溫公楸枰詩  
難得羣兒無世態  
解從文字作荒嬉

和均

寒雲



紅泥綠蠟溫馨地。慷慨彌天但有詩。我已中年君老去。一生難得是  
愁嬉。

和根兒詠春

寒雲

微風微雨畫闌邊。桃李初葩分外妍。偶聽黃鸝聲數轉。鑪香靜處淡  
茶煙。

春

伯崇

園中草木妍。楊柳漾青煙。飲酒知真樂。長歌帶醉眠。

題圖

仲燕

花滿山阿雪滿枝。前村沽酒客歸遲。東牆月上西牆柳。把手微吟欲  
醉時。



泣珠詞三首有序

寒雲

清故宮人昀珠感逐宮之厄。作紀事三章。其詞哀婉。可以諷

歎。爰爲和之。並屬內子梅真子婦初觀同作。

對景空揮淚。倉黃夜不春。隔江應有恨。誰與弔冲人。  
玉骨冰肌在。臨池唱舊歌。東坡爲按譜。應是謫嫦娥。  
金角驚飛騎。銀屏泣墜香。一從歌別怨。無復夢昭陽。

前題次均

梅真

絳幘雲裘冷。阿房感舊春。淒涼終一炬。千載泣宮人。  
日斷蒙塵裏。銜悲獨放歌。一番辭故闕。緘恨訴姮娥。  
潘女蓮生步。楊妃轆有香。空懷亡國恨。揮淚出昭陽。



前題次均

初觀

幼入深宮裏。恩承雨露春。忽逢亡國日。怕說昔年人。  
 月色迷濛夜。朝元閣上歌。百思無所憶。含涕有宮娥。  
 永巷行吟地。何年拾墜香。深愁無說處。冷落舊斜陽。

附昉珠原詩

奉帚朝元殿。長門十二春。不應宮草綠。翻妬繡衣人。  
 絳幘驚宵起。都憐子夜歌。未教辭廟淚。偷灑向宮娥。  
 鸞文空結鞵。蜨袖亦銷香。零亂東皇意。飛花出上陽。

+  
 +  
 +  
 +  
 +  
 +  
 +  
 +  
 +  
 +





跋

寒雲子曰。予既卜居沽水之上。奉親教子。樂融融也。定省著述之暇。召家人集斗室。吟歌笑語。輒忘形骸。盤桓其中。一小天地也。但無俗客之臨。而有嘉朋之至。彼冠蓋負販之徒。絕蹤于門久矣。其來過者。必臭味之相投焉。若江都方地山夫子。二十年交契。如一日。今爲長子。暇取其四女根。親好乃益固。過存晤言。輒永夕而忘倦。其來過也。或相與賦詩。或爲諸子講授。或譚往事。或述舊聞。其中有至樂。非外人所能道也。當賦詩也。命題分韻。刻燭聯吟。積之既久。廢於。爲編次之。選定之。都爲一卷。命曰園鐘倡和詩。所集地山夫子與予作外。有內子劉。姆梅。眞。長子家。暇。伯崇。婦方根。初觀次子家。彰。仲。燕。



三子家。驪。叔。選。凡。七。人。詩。二。十。六。首。甲。子。十。一。月。編。於。佩。雙。印。齋。

題名

方爾謙

字地山號无隅江蘇江都人年五十三歲

袁克文

字豹岑號寒雲河南項城人年三十五歲

劉 姆

字梅真安徽貴池人年三十五歲歸河南袁氏

袁家嘏

字伯崇號天純河南項城人年十七歲

方 根

字初觀江蘇江都人年十九歲歸河南袁氏

袁家彰

字仲燕號夢濤河南項城人年十五歲

袁家驪

字叔選號用龍河南項城人年十三歲

國語倡和詩

# 紫蘭花片

周瘦鵬個人之小雜誌

上海大東書局發行

此為周瘦鵬先生個人之小雜誌每月出版一集  
用道林紙精印小本一冊中有小說及雜作共二  
十八種銅版精圖十餘幅封面用三色版精印  
集中所有文字均由周先生精心結撰長長短短  
無不雋雅可讀圖畫亦係蓋世精品名貴無倫  
凡預定全年者有周先生小影及親筆簽名之錦  
匣一隻奉贈

每月一集  
每集二角  
預定全年  
大洋二元  
郵費在外  
郵票通用

中華民國十五年三月出版  
中華民國十五年三月發行



分發行所

廣州雙門底  
漢口後城馬路  
北京梅竹斜街  
天津鼓樓北  
長沙南陽街  
梧州基南街

大東書局

滬上私乘 (全一冊)

(定價大洋四角)

(外埠酌加郵費)

撰述者 袁 寒 雲

發行者 大東書局

印刷所 大東書局  
上海北西藏路南公益里

總發行所 大東書局  
上海四馬路中市

77  
1977-44

